

25 Joor Mutze-Bebbi Bärn



Fasnacht 2003

**S Jubiläum vom Brunne isch lengschtens verbyy –
mir fyyre, ganz bärnisch, e Joor hindedryy!**

Syt yber 25 Joor duet äär Wasser speye und schepfe
Metall und Plastigg iber s'Wasser yyne glepfe.
Dr Brunne gläpperet, gnirscht, gyggst und tschättered
s isch ganz in dr Tinguely Manier wie'n är rättered.
es gurglet, gluggst, schnurrt, gnaggst und zischt
es spritzt und fyn verdeilt sich sy Gischt.

Die Figuure speie, schepfe, dien sich blooge
was soll denn all das, duesch di frooge.
De seesch das Wasser goot und goot nit ewägg
und glych scheptf äär als hätts e Zwägg.
Dasch doch fascht wie alles und iiberaal uff dr Wält –
ob sinnvoll oder nit, Hauptsach es stimmt mit em Gäld.

Dr Mensch sait är wurd sy Horizont erwitttere
Stimmt daas oder wird är ämänd nit schitttere?
är baut neyi Bombe, wird als wie gschywyder
är waiss mit wie weeneli äär wievyyll ka deete
wie brezyys si fliegt, syni neyscht Rageete.
Neierdings sayt är - me sell kenne gloone
neyi Mensche us alte Embryoone.
So wies die im Brunne au nit anderscht kenne
tuet dr Mensch em Foortschritt nocherenne.

Drwil gnirscht, rumpled gyggst und gnatteret
Äs goot ne joo nyt aa, drum wird wiiter gratttert
Was soll denn das, schreyt kaine Halt?
Wurdsch duu das mache, sait me dir siggsch alt
Seesch nimm duure, isch dr nimmi alles glaar
so liggs nit an de'n'Auge, nit am Staar.

Es isch alles vergnipt, verbunde und verwoobe
de weisch nimm was isch unde, was isch oobe
Transparänt syggs und sunneglaar, heisst's vo oobe
luegsch die Sach gnauer aa, syn si lengscht verstoobe.
Si sin amene andre Oort umjuublet und dien schrepfe
derwyyl duet dr Fasnachtsbrunne wyter schepfe
als wär nyt gsi, goots allewil glych wyter
de sehsch dr Mensch isch wiider gschitteret.

Dr Brunne gläpperet, gnirscht, gyggst und tschättered
är gurglet, gluggst, schnurrt, gnaggst und rättered.

D Ladäärne Uusstellig uff em Minschterblatz und d Waage- und Reggwisyte Uusstellig bi dr Kasärne sin vom Mändig zoobe bis am Mitwuche demoorge (10. bis 12. Meerze). Deert ka men au alli Zeedel und Schnitzelbängg, d Blaggedde und dr Rädääng kauffe.

www.fasnacht.ch/mutze-bebbi